

(名數) 台家對於三觀而立三止：

一、體真止，諸法由因緣而生，因緣假和合之法體為性空，
止息一切之攀緣妄想者。證空理謂之體真，空即真
也。是對於中觀之止也。

二、方便隨緣止，又名繫緣守境止。菩薩知空非空，停止
於諸法幻化之理，分別藥病化益眾生者。知空非空謂
之方便，分別藥病隨緣歷境謂之隨緣，安住假諦之理
而不動，謂之止。是對於假觀之止也。

三、息二邊分別止，又名制心止。第一止偏於真，第二止
偏於俗，俱不會於中道，今知真非真，則空邊寂靜。
知俗非俗則有邊寂然。即息真俗之二邊，而止於中諦
者。是對於中觀之止也。

【三止三請】《佛學大辭典》(丁福保編)大經科注第413頁倒數第4行

(故事) 法華經方便品之初，先讚嘆如來之二智，以諸法
實相為甚深微妙欲說而止，次舍利弗代眾請說之。如此佛
與舍利弗交互各三止三請，佛遂容第三請，廣說妙法。謂
之三止三請。